



SAKSPAPIR

Saksnr	Utval	Type	Dato
82/2021	Formannskap/plan- og økonomiutvalet	PS	05.10.2021
101/2021	Kommunestyret	PS	26.10.2021

Sakshandsamar	Arkiv	ArkivsakID
Ann Kristin Bolstad		21/1273

KARTLEGGING AV OPNINGSTID I BARNEHAGANE

Kommunedirektøren sitt framlegg til vedtak:

Kommunestyret tek saka til orientering.

Formannskap/plan- og økonomiutvalet - Sak 82/2021

FPØ - Behandling:

Formannskapet drøfta saka.

På vegner av Sp, SV og H la Amalie Johnsen Lunde, H fram følgjande tilleggsforslag:

FPØ ber om at administrasjonen legg fram eventuelle kostnader og praktiske konsekvensar for følgjande modellar for auka opningstid i barnehagane på Dale, Stanghelle og Vaksdal:

Modell 1: Opp til ein ½ time tidlegare om morgonen

Modell 2: Opning opp til ½ time lenger om ettermiddagen

Modell 3: Opning opp til ½ time tidligare om morgon og opp til ½ time lenger om ettermiddagen.

Kostnader og konsekvensar skal leggjast fram for kvar enkelt barnehage, på FPØ sitt budsjettseminar i november 2021.

Kommunedirektøren sitt framlegg til vedtak vart samrøystes vedteke.

Tilleggsforslaget frå Sp,SV og H vart samrøystes vedteke.

FPØ - Tilråding/Vedtak:

Formannskapet si innstilling til kommunestyret:

Kommunestyret tek saka til orientering.

Tilleggsforslag vedteken av FPØ:

FPØ ber om at administrasjonen legg fram eventuelle kostnader og praktiske konsekvensar for følgjande modellar for auka opningstid i barnehagane på Dale, Stanghelle og Vaksdal:

Modell 1: Opp til ein ½ time tidlegare om morgonen

Modell 2: Opning opp til ½ time lenger om ettermiddagen

Modell 3: Opning opp til ½ time tidlegare om morgon og opp til ½ time lenger om ettermiddagen.

Kostnader og konsekvensar skal leggjast fram for kvar enkelt barnehage, på FPØ sitt budsjettseminar i november 2021.

Kommunestyret - Sak 101/2021**KOM - Behandling:**

Kommunestyret drøfta saka.

Formannskapet si innstilling til vedtak vart samrøystes vedteke.

KOM - Tilråding/Vedtak:

Kommunestyret tek saka til orientering.

FPØ ber om at administrasjonen legg fram eventuelle kostnader og praktiske konsekvensar for følgjande modellar for auka opningstid i barnehagane på Dale, Stanghelle og Vaksdal:

Modell 1: Opp til ein ½ time tidlegare om morgonen

Modell 2: Opning opp til ½ time lenger om ettermiddagen

Modell 3: Opning opp til ½ time tidlegare om morgon og opp til ½ time lenger om ettermiddagen.

Kostnader og konsekvensar skal leggjast fram for kvar enkelt barnehage, på FPØ sitt budsjettseminar i november 2021.

Saksopplysningar:**Heimel**

I møte 15.12.2021, sak 97/2020 - Budsjett 2021, gjorde Kommunestyret følgjande vedtak:
«Administrasjonen skal i løpet av fyrste halvdel av 2021 gjennomføre ei brukargransking i forhold til opningstidene i barnehagane med sikte på å tilpasse desse til behova til foreldre som til dømes pendlar med offentleg kommunikasjon.»

Bakgrunn for saka*Om kartlegginga og gjennomføringa*

Det vart våren 2021 utarbeida eit spørjeskjema for kartlegging av behov for opningstider i barnehagane på Stanghelle, Vaksdal, Stamnes og Dale. Spørjeskjemaet vart tatt opp til drøfting på møte i Samarbeidsutvala i alle barnehagane og spørsmåla vart justert etter innspel frå dei.

Kartlegging spurte om faktiske behov for opningstid i barnehagen og ulike faktorar som om ein eller begge foreldra pendla, om ein er åleine om omsorga, ulike arbeidstidsordningar og om ein har barn i fleire barnehagar. Det vart ikkje spesifisert i kartlegginga om dei som pendlar nyttar offentleg

kommunikasjon.

På grunn av Covid-19, med dei restriksjonane og heimekontorordninga ein hadde våren 2021, valgte ein å utsetje kartlegginga til oppstart haust. Då fekk ein òg med dei nye barna i barnehagen. Spørjeskjema vart sendt ut til alle foreldra i barnehagane i Vaksdal med svarfrist 25. august 2021.

Kartlegginga var anonym.

Deltaking

Kartlegginga vart gjennomført i barnehagane på Dale, Vaksdal, Stamnes og Stanghelle.

I Eksingedalen vart det gjort ei eiga kartlegging før oppstart av barnehageåret og opningstida tilpassa deretter.

Tal svar:

Barnehage	Tal barn i barnehagen	Tal svar
Dale	35	18
Stamnes	10	10
Vaksdal	56	32
Stanghelle	57	34
Totalt	158	94

Svarprosenten er om lag 60 %, men tala er noko usikre då nokon har fleire barn i barnehagen og kan ha svara på same skjema for alle barna.

Resultat frå kartlegginga

	Behov morgon						Behov ettermiddag						Pendlar
	063	064	070	071	073	080	150	153	160	161	163	170	
Stamnes	0	5	0	5	0	0	0	0	0	5	0	0	7
Dale	0	1	2	1	1	3	0	0	5	1	1	1	13
Vaksdal	1	2	10	2	3	2	3	2	7	1	8	1	25
Stanghelle	1	10	7	0	5	1	1	1	8	1	10	8	23
Totalt	3	3	12	2	4	1	0	1	8	2	5	10	68
	5	16	31	5	13	7	4	4	28	5	24	20	

Vurdering og konsekvensar

Resultatet av kartlegginga viser at flest foreldre har behov for opningstid i barnehagen kl. 0700 – 1630. Svara frå kartlegginga syner likevel skilnader i behov mellom barnehagane. Det er flest foreldre i Vaksdal og Stanghelle barnehage som treng opningstid før kl. 07.00 og etter kl. 16.30. Dette passar med erfaringane vi har og opningstida i desse to barnehagane er idag kl. 06.45 – 17.00. Det er òg nokon frå Dale og Stamnes som har behov før kl. 07.00 og etter kl. 16.30. I desse barnehagane er opningstida i dag kl. 07.00 – 16.30.

Av dei 94 som har svara på kartlegginga er 68 pendlarane, anten ein eller begge foreldra. Det kan sjå ut som det er flest foreldre som pendlar frå Stanghelle og Vaksdal, men ein må då ta høgd for at det

er flest barn i desse to barnehagane òg. Prosentvis kan dette sjå annleis ut, noko vi ikkje kan stadfeste då vi manglar svar frå ein del foreldre.

Alle som har meld behov for opningstid utover kl. 07.00 – 16.30 er pendlarar, ein eller begge foreldra. Andre faktorar som om ein er åleine om omsorga, ulike arbeidstidordningar eller barn i fleire barnehagar viser i denne kartlegginga ikkje noko innverknad på behova for opningstid utover kl. 07.00 – 16.30.

Kartlegginga some er gjennomført syner at opningstida i barnehagane i stor grad dekkar behovet til foreldra, òg dei som pendlar. Det er likevel nokre unntak i alle barnehagane.